



ANDR. KRAG  
R THESES PHYS., IN QVI-  
BUS INSTITUITUR RECONCI-  
LIATIO INTER DUCEM POPULI  
ISRAELITICI MOSEN ET PHILO-  
SOPH. PRINCIPES DE RERUM  
NAT. PRINCIPIS SOLIS VERBIS  
DISSENTIENTES. HAFN. 1592



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1023 4°








Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1023 4°





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1023 4°



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1023 4°



20-85

4°


DA BOX

LN 1023

M









GAJLLUND



THESES PHYSICÆ: 20.-85

IN QVIBVS IN-  
STITVITVR RECONCILIATIO,

*Inter Duce[m] populi Israëlitici Mosen  
& Philosophorum Principes,*

DE RERV[UM] NATVRAR[UM]  
LIVM PRINCIPIIS, SOLIS  
verbis dissentientes.

*Disputabuntur ad Diem Maji XIII.*

PRÆSIDE

*AND. KRAG. RIP.*

*Resp:*

NIC. PASCHASIO C.



HAFNIÆ,

*Excudebat Matthias Vinitor.*

ANNO DOMINI

*CID. ID. XCII.*





**ETHNICORVM PHILO-**  
**SOPHORVM SCRIPTA A NOBIS LE-**  
genda sunt, non ut cognitionem Veritatis tanquam ex fontibus  
ab iis petamus: sed ut perspiciamus quousq; hu-  
mana Ratio in rebus divinis  
progrediatur.





I.

**M** Isis enigmatibus, fabulis, figuris, charas  
 eteribus, numeris, potius rerum naturalium  
 compositionem tenebris inuoluentibus, quam  
 obscuritati lucem adferentibus: ex S. S.  
 Scriptura rerum naturalium principia &  
 causas ex quibus componuntur deducere  
 animus est. Hæc enim prora & puppis erit omnium scientia-  
 rum & sententiarum. Hæc regula Lesbica, à qua opiniones deo-  
 clinantes tanquam vanæ, fallaces, perniciosæ damnabuntur.

II.

Vestigia autem solius Mosis odorati, in ea verba inten-  
 damus, quibus primo capite Geneleos Principiorum obscurum  
 mysterium nobis patefacit. In primi diei creatione inquit: In  
 principio creauit Deus cælos & terram, & terra erat solitudo  
 & inanitas, & caligo super facies abyssi: Et Spiritus Dei ferebatur  
 super facies aquarum: & quæ sequuntur ad finem capituli.

III.

Ex hac clarissima & certissima Mosis voce eliciuntur duo  
 rerum naturalium Principia prima, Materia & forma: ut Effi-  
 ciens de industria præteream, vna Dei appellatione significatū.

IV.

Materiam suppeditat, inanis terra & abyssus: quæ tertii  
 diei creatione in duas diuersæ naturæ dissociata est partes:  
 quarum vna, arida seu terra, altera mare est appellata: ex qui-  
 bus postea res naturales creandæ prodire.

A 2

Formam



V.

Formam prodire jubet efficientis jussus & vox potentissima : quæ etiam dicto obsequens sine omni mora res naturales informat, & iisdem vim ac potestatem, qua etiam hodierno die sustentantur ac fruuntur, donat.

VI.

Vires enim injecit Creator, & primò miraculosè omnia producta sunt, sine semine ullo & absq. sole : cum sol post rerum multarum productionem sit creatus.

VII.

Eadem principia si inquisita fuerint in quotidiana rerum propagatione & conservatione, in semine delitescencia inveniuntur : cuj eodem tempore communicatum est officium procreandi à se simile, siue in terra, siue in aqua, siue etiam in aëre repositum sit.

IX.

Sunt enim in semine Materia & Forma, ex quibus tanquam causis constituentibus oritur, propagatur, conservatur quicquid rei naturalis appellationem meretur : forma in materiam agente, non quidem per violentiam, neq. quibusdam tanquam divulgatis vectibus eam agitante, sed rationem seminariam & cœlestem adhibente.

IX.

Res autem hoc pacto productæ in Elementis tanquam matricibus suis conservantur, & humore quodam nativo & visifico foventur & aluntur. Elementum autem tum munus suum



suum obit & functiones perficit, dum semina sibi demandata fovet, partum promovet, & foetum necessario alimento recreat, sustentat, confirmat.

X.

Nisi enim hæc ratio seminalis & idealis, multiplex & varia, seminis appellatione comprehensa, Elementis esset insita & inspersa, nunquam variae rerum species ab uno eodemq; Elemento proferrentur: sed omnia ex uno producta Elemento unius essent speciei. Quare etiam hæc vires Elementis concessæ potius videntur eorum vita, quàm ab Elementis vitam consequi.

XI.

Hinc etiam fit, quod semen unumquodq; sibi ex suo Elemento alimentum conveniens attrahat & quærat: ex quo postea colores, sapes, humores, odores, qualitates & quantitates omnes ad speciei propagationem necessariæ, prudentis naturæ operâ, & accedentibus causis coadjuvantibus conficiuntur: velut effecta ex propriis causis.

XII.

Ab hac doctrina Mosaica ad Philosophos gentiles progressuri, solummodo sustinebimus huc revocare illorum principia, qui sapientiores in Philosophia sunt habiti, & solis verbis à Mose dissentire videantur. Tales sunt Plato, Aristoteles, Hippocrates, Galenus, & qui in eorum sunt sectatione.

XIII.

Divinus Plato Deum, Materiam & Ideam agnoscens Principia, Mose sese in universum conjungit, significatq; ex pri



maeva veritate hanc doctrinam sibi communicatam. Nam per Ideam intelligit formas rebus divinitus ingeneratas & Materie Mosaicae impressas, non rerum species & simulachra in aëre volitantia: etiamsi nonnullis in locis discipulis se accommodans doceat eas prius in animo artificis fuisse conceptas, & ad hanc imaginum conceptionem res productas, & iis vestigia divina impressa.

XIV.

Materia Platonis, ut Mosis Abyssus, est subiectum & mater, ex quo omnia fiunt: rudis dicitur, indigesta, confusa moles, & obscura, tenebrosa, inconspicabilis, &c.

XV.

Aristoteles magnâ industriâ & subtilitate tria rerum naturalium investigavit Principia, Materiam, Formam, Privationem: quæ Physicè explicata non in univèrsam in Principia Mosaica impingunt.

XVI.

Materia Aristoteli est Principium incognitum nisi per analogiam ad materiam rerum artificialium, non est Ens sicut hoc aliquid, cum formâ præcipua causâ est rerum quæ fiunt & transmutantur: partim est Ens, partim non Ens, &c. Hec Aristotelis sententia à nostri Prophetæ descriptione Materie non est absimilis, appellantis eam inanem, vacuam & abyssum, antequam suis flosculis condecoretur.

XVII.

Forma dicitur ab Aristotele Ratio, exemplar, essentia rei, divinum quiddam & bonum appetibile, quæ adveniente cessat genera.



generatio. Hisce Formæ appellationibus quid aliud designatur quàm rerum creatarum, immissa forma divinitus, absolutio & perfectio: cum Forma res divina aliunde progredi & deduci nequeat.

### XII.

Privationem, quæ Aristoteli est principium per accidens & non Ens, formæ contrarium, à Mose designatam concedemus: si modò benignam interpretum explicationem non indutus Aristoteles admisit. Illi enim per Privationem quod Moses per Tenebras intelligunt, asserentes nihil ex Privatione fieri tanquam causâ & principio, sed post Privationem. Nihil enim ex mera Privatione, quales sunt Tenebræ, fieri potest: sed in eo loco & ex iis rebus, in quibus dense Tenebræ imperio potiebantur, iussu est Lux splendere & nasci. Sic etiam ex nihilo creavit Deus cælum & terram, non tanquam nihil esset materia: sed quum omnia nihil essent, Deus omnia esse aliquid voluit.

### XIX.

Hippocrates & Galenus mundum ex quatuor Elementis igne, aëre, aqua, terra constituentes: & deinde hominem ex iisdem, & totidem humoribus, sanguine, pituitâ, atrâ & flavâ bili, intra Medicorum cancellos sese continent, Principiaq; Mosæica non damnant, quorum alibi sæpius meminere. Hisce enim Elementis palàm faciunt inesse homini & rebus mundanis aliquid, partibus & Elementis mundi tantâ naturæ familiaritate & necessitate respondens, ut sine eo consistere salubria nequeant.

Quid



XX.

Quid quòd, illi principia naturalium prima non perscrutabantur, sed ea saltim quorum traditione ad causarum, symptomatum, loci affecti & deniq; ad morborum ipsorum cognitionem & curationem diducerentur.

XXI.

Testimonio est ipse Hippocrates, qui in libro de structura hominis ita loquitur: Mundus quatuor ex Elementis consistit, igne, aëre, terra & aqua: calido videlicet, frigido, humido & sicco, hisdem ex Elementis quatuor totidemq; humoribus & homo consistit: Sanguine scilicet, pituita, flava & atra bili. Et sanguis quidem aëri, pituita aquæ, flava bilis igni, atra terræ similatur, &c. Item initio lib. 4. de morbis. Habet autem & vir & mulier quatuor species humoris in corpore à quibus morbi fiunt, qui non à violentia aliqua fiunt.

XXII.

Atq; hoc pacto factam esse Philosophicam reconciliationem inter Moysen & Philosophos gentiles spes est. In re autem obscura quia de multis dubitare cogimur, à doctioribus placida communicatione edoceri desideramus.

F I N I S.



